

Powšitkowne WOZJEWJENJA

njedźelu, 6. awgusta 2017

Lětni koncert před Starej cyrkwičku w Radworju

Chór Meja přeprašuje wšitkich zajimcow na swój lětni koncert sobotu, 12. awgusta, we 18 hodź. na zahrodu před Starej cyrkwičku w Radworju. Nimo Mejanow wuhotuja program chór Bratrowstwa z Kulowa, Dawid Wowčer z přećelomaj na pozawnje a Matteo Hórnik na gitarje. Koncertej přizamknje so bjesada a zhromadne spěwanje. Wšitcy su wutrobnje přeprašeni.

13. serbski swjedzeń we Wuježku

Serbske ewangelske towarstwo přeprašuje sobotu, 12. awgusta, na lětnje pućowanje a serbski swjedzeń do Wuježka pod Čornobohom. Zetkamy so w 13 hodź. pola Krygarjec we Wuježku, čisło 31A. Wottam pućujemy na Rubježny hród. Po puću njech so kóždy sam ze swojeho wačoka zastara.

Po zwučenym wašnju přizamknje so pućowanju a swačinje w 17 hodź. nutrnosť ze superintendentom Janom Malinkom na Pawlikec statoku. Wot 18.00 hodź. předstaji skupina Podka z Drježdžan swój program – kaž hižo loni. W bróžni budže bifej natwarjeny. Wutrobnje witani su tež wšitcy ći, kotřiž chcedža hakle na nutrnosť abo program přińć. *SET a swójba Krygarjec*

Kurs k wudebjenju cyrkwyje

Kurs floristiki přewjedže Smochčanski Dom biskopa Bena sobotu, 12. awgusta. Při tym pokaza so, kak móža so wołtarnišćo a cyrkej na druhich městnach wudebić. Zajimcy měli so hač do pónđzele, 7. awgusta, pod telefonowym čislom (03 59 35) 220 abo z mailku na info@benno-haus.de přizjewić.

Dźělowe městno w Smječkecach

Dom swjateho Jana w Smječkecach pyta na 25 hodžin wob tydzeń rjedžerku / hospodarsku pomoc. Dźělowy čas je wotměnjejo pak rano wot 7.30 hodź. do 13 hodź. abo popołndju wot 13.30 hodź. hač do 19 hodź. Městno ma so hnydom wobsadzić a je najprjedy na wěsty čas wobmjezowane. Dalše informacije dóstanu zajimcy pod telefonowym čislom (03 57 96) 88 61 11.

Marije donjebjeswzaća w Róžeńće

Serbskorěčna Boža mša na swjedženju swjateje Marije donjebjeswzaća wutoru, 15. awgusta, w Róžeńće budže w 9 hodź. Wšitcy wěriwi su wutrobnje přeprašeni.

Zelowy swjedzeń w Klóštrje

Na klóšterskej zahrodze w Pančicach-Kukowje je njedźelu, 20. awgusta, tradicionelny zelowy swjedzeń. Ekumeniski nyšpor w 14.30 hodź., na kotrymž so zelowe kwěćece požohnuja, změjjetaj propst Clemens Hrjehor z Kamjenicy a ewangelski wyši krajny cyrkwinski rada Ditrich Bauer z Drježdžan. Rjadniske sotry Božu službu sobu wuhotuja. Nyšporej přizamknu so koncert młodžinskeho orchestra z Lešnicy a zelowe wiki.

Wulět dekanatneje młodžiny

Luba młodostna, luby młodostny!
Přeprošujemy će wutrobnje na wulět
dekanatneje młodžiny njedźelu,
3. septembra.

Što će wočakuje? Za přeni džěl wulěta
stejitej dvě opciji k dispoziciji: Móžeš
so w zhotowjenju šokolady w
„Confiserie Felicitas“ w Lěščach,
měščanskim džělu Grodka, wuspytać abo sej
najwšelakoriše wopički w zwěrjencu w Kosmejcach (Jocksdorf)
wobhladać. Po tym chcemy wšitcy zhromadnje w gumijowym
čołmje po Sprjewi padlować. Něhdže w 19.00 hodź. budže
stódna wječer w Haslowje přihotowana. Přizamknu so reje z
kapału „Sorbian Art Trio“ a DJom „Speedmaster“ w Haslowskej
bróžni (hač do 24.00 hodź.).



Wotjědzemy z busom něhdže w 12.00 hodź. Dokładny plan,
zwotkel bus w kotrym času pojedže, so wšěm, kotřiž su so
přizjewili, po 23. awgusće z mejlku zdžěli. Přinošk wučinja 25 eu-
row na wosobu. W nim su jězba z busom, swačina a wječer,
zastupy a jězba z čołmom a reje w Haslowje zapřijate.

Přizjewće so prošu z mejlku hač do srjedy, 23. awgusta, pod
don.boskowy-dom@t-online.de a napišće swoje mjeno, starobu,
hdže bydliće a hač byšće radšo konfiseriju abo wopički wopytali.
Městna za jednotliwej poskitkaj kaž tež za cyłkowny wulět su
wobmjezowane. Tuž mějće so do spěcha! Wjeselimoj so na was!
Wutrobnje strowitaj

farar Gabriš Nawka a Lucija